

VOTA ET MOTIVA REGIÆ AVDIENTIÆ CIVILIS

REGNI ARAGONVM, IN PROCESSV

Ioannis Carui de Vilanoua super
apprehensione

IN nomine Iesu sit omnibus manifestū, quod Anno à Natiuitate Domini 1615. die verbò computato 25. mensis Iunii, in Ciuitate Cæsaraugustæ, & in Regio consilio interueniunt, Excellētis. Dominus Locumtenēs Generalis, & magnifici Domini, Iosephus Sesse Regens Cancellariam, Dominicus Abengochea, Augustinus Pilares. Ioannes Canales, & Franciscus Michael de Pueyo, Regij Cōsiliarij coram quibus fuit positus Processus Ioannis Carui de Vilanoua super apprehensione, in quo quatuor ex dictis dominis de Regio Consilio fuerunt voti & opinionis, quod attentis contentis, &c. teneretur & deber pronuntiare, & mandare fieri contenta, in propositione Annæ Lapuente princi. G. Gonçalez pro. pro quantitate 36000. solidorum laccensium tantum, & respectu habitationis domorum, primo loco in fine Appellatus præsentis apprehensionis confrontatarum, eius viduitate durante, cum expensis iuribus suis durantibus. Et eis finitis, ac demptis bonis sub numeris. 1. 3. 4. 5. 6. 7. 13. confrontatis; in reliquis contenta in propositione Doctoris Ioannis Carui de Vilanoua princi. D. Pi

lares procu. cum expensis iuribus suis durantibus. Et eis finitis, in eisdem bonis contenta in propositione Francisci Merced. princi. A. Vazquez procu. cum expensis iuribus suis durantibus. Et eis finitis, contenta in propositione Ioannis de Cornal princ. dicti August. Vazquez procu. pro quantitate 1541. solidi. Iaccesium tantum, cum expensis iuribus suis durantibus. Et eis finitis, contenta in propositione dictæ Annæ Lapuente princi. dicti Gasparis Gonçales procu. respectu domorum secundo loco sub numero 1. confrontatarum tantum: & contenta in propositione Marci Antonij Peralta princ. P. Lamata procu. in cuius locum fuit reposita Elisabetha Nāuarro eius vxor & hæres, respectu bonorum sub numero 8. & 9. confrontatarum tantum. Et demptis dictis bonis, super quibus duæ proximè præcedentes propositiones recipiuntur; in reliquis apprehensis contenta in propositione Annæ Montoya princi. dicti Gaspari Gonçalez procu. pro quantitate 23460. solidorum laccensium tantum, iuribus suis durantibus: & contenta in propositione Ludouici Diez, & Iacobi Diez de Aux fratrum prin. Io. de Pueyo procu. demptis bonis sub numero 1. 2. 3. 4. 6. & 13.

confrontatis in reliquis apprehensis, pro medietate bonorū cōstante matrimonio dicti Hieronymi de Luna, & Beatricis Diez de Aux acquisitorū iuribus eorū respectiue durantibus, & eis finitis, contenta in propositione Gregorij la Cabra princi. P. Morillo pro. præstita prius respectiue cautione forali, alijs propositionibus repulsis, referuatis iuribus referuari supplicantibus, neutram partium in expensis, demptis prædictis taxandis, condemnando: nō obstantibus in cōtrarium allegatis, quæ locum non habent. Cetera supplicata locum non habere: Ex eo præsertim & alias recipitur propositio Annæ Lapuente, pro quantitate in sententia expressa, & pro habitatione dictæ domus, eius viduitate durante, quia ex de ductis in processu, sed potissimum ex instrumento capitulorum matrimonialium, inter eam & Hieronymum de Luna eius virum initorum in processu exhibitorum cōstat, per mortem dicti Hieronymi ea superstite, & durante sua viduitate, super bonis apprehensis annuatim eidem soluendos esse 4000. solidos laccenses: ac præterea fuisse eidem concessam habitationem domorum 1. loco confrontatarū, & hoc totū cū clausulis & hypothecis ad obtinendū in hoc articulo necessarijs. Constat etiam elapsos fuisse 14. annos, quibus non fuit dicta pensio 4000. Solidorum soluta. Propositio vero Doctoris Ioannis Carui de Villanova recipitur, demptis bonis in sententia expressis: quia licet constet de dominio, & possessione hypothecantiū, in dictis tamē bonis obtinere nequit, quia in alio processu apprehensionis eorundē bonorum, ad instantiā Annæ Lapuente in hac Regia Audientia factæ, propositionem non obtulit: cum eidem tunc temporis, hoc idem ius efficax, in hoc processu deductum competeret. Propo-

sitiones etiam Francisci Merced, & Ioannis del Cornal creditorum ideo recipiuntur, quia constat de dominio, & possessione hypothecantium bona sua, nec non de clausulis, & inclusionibus ad obtinendum in hoc articulo necessarijs, & opportunis. Etiam aliæ duæ propositiones sequentes dictæ Annæ Lapuente, & Marci Antonij de Peralta recipiuntur; quia ex venditionum instrumentis, per eos respectiue exhibitis apparet de manifesto iure ac titulo, quo in hoc articulo possunt proculdubio obtinere. Non quod titulus hic tantundem attendatur, sed quod in prædictis instrumentis ac titulis exhibitis, clausulæ possessionis translatiue, & efficaces reperiuntur, ad hunc summarissimum processum amplectendum. Propositiones tandem Annæ Montoya & fratrum Ludouici Diez de Aux, & Iacobi Diez de Aux, meritō veniunt recipiendæ, & admittendæ, quia constat de eorum respectiue iuribus, & actionibus, per testamentum Domnæ Annæ de Luna in processu exhibitum. In cuius vim legata plura in eodem relicta sibi ipsis deberi merito prætendunt, non tamen in omnibus obtinere potuerunt, deficiente nimirum probatione & inclusione, in his quæ sibi deneganda censuimus. Tandem recipitur propositio Gregorij la Cabra quoniam ex deductis & probatis in processu constat, Hieronymum de Luna duos habentem filios, Ioannem Hieronymum, & domnam Annam de Luna, vxoremq; domnam Beatricem Diez de Aux testamentum condidisse, eamque hæredem vniuersalem instituisse, cum pacto, vinculo, & conditione disponendi de suis bonis in prædictos filios: & in eorum defectum, in nepotes ac descendentes legitimos, & de legitimo matrimonio procreatos, pro eius libito voluntatis, tam in vita, quam in mor-

morte; cum prohibitione ipsis filiis in-
iuncta, alienandi prædicta bona, nisi in
filios ac descendentes eorum legitimos.
Et postea reciproca inter præfatos Hie-
ronymum, & domnam Annam substitu-
tionem subnectit his verbis: Quiero que
la parte y porción de mis bienes y ha-
zienda, que en el tal haúra peruenido, y
recaydo, así por disposición de la dicha
su madre, como por morir intestada, y
sin repartirles los dichos bienes, que re-
cayga y peruenga en el que les sobreui-
uira, &c. Ac tandem subdit clausulam
finale[m] vocationis Doctorum Francis-
ci de sancta Cruz & Morales, Aduocati
Fiscalis Maiestatis dñi nostri Regis, &
Augustini de Sancta Cruz & Morales
fratrum, ad medietatem prædictorum
bonorum, filijs Gregorij la Cabra in alia
medietate substitutis. Vraq; tamen vo-
catione facta, sub illa conditione, si dicti
Hieronymus & Anna absq; filiis & des-
cendentibus legitimis decessissent. Con-
stat præterea dictum Hieronymum de
Luna filium, superuiuentibus eorum pa-
rentibus, ab hac luce migrasse: nec
non, & præfatam Beatricem hæredem
institutam, superstite adhuc Hierony-
mo de Luna testatore obijisse. Et dictum
Hieronymum de Luna post modum, sola
superstite dicta Domna Anna eius filia,
nullisq; alijs ex prædicto matrimonio,
neq; ex secundo cum Anna Lapuente
contracto susceptis liberis, diem clausu-
le extremum. Et post eius obitum Dom-
nam Annam de Luna, non tanquam hæ-
redem testamentariam Hieronymi de
Luna eius patris, sed tanquam filiam le-
gitimam, & naturalem, per illius mortem
ab intestato succedentem, omnia eius bo-
na in præsentí processu apprehensa, per
aliquot annos, toto vitæ suæ tempore,
vna cum don Petro de Médoça eius viro
quiesce & pacifice possedisse, ac de illis
omnibus vt liberis disposuisse: & Grego-

riam la Cabra, hæredem suum Vniuer-
salem in bonis paternis instituisse: quæ
nullis per eam relictis filiis nec descenden-
tibus, vitæ sorté dereliquit. Vnde liqui-
do patet, ac manifestè consequitur, præ-
dictum Gregorium merito ad omnia bo-
na ex parte partis prouenientia, tanquã
hæredem Vniuersalem, admittendum
fore. Neq; obstat Dominorum, Fran-
cisci, & Augustini, de Sancta Cruce
aduersantium obiectio, qui iuxta reuol-
rem antiquioris dispositionis testamen-
ti dicti Hieronymi de Luna prætendunt
admittendos esse ad medietatem dicto-
rum bonorum, in vim substitutionis
seu vocationis expressæ, in clausula fina-
li præfati testamenti supra iam relata.
Nam supponendum est Hieronymum
de Luna verbis expressis voluisse ac de-
clarasse, hæreditatem suam filiis substi-
tutis deferri, mediante persona Domne
Beatricis diez de Aux eorum matris, &
hæredis institutæ, priusq; successuræ,
cum obligatione tamen; & grauamine
disponendi, & ordinandi in eisdem fi-
lios. Ex quibus verbis, luce clarius ap-
paret, non fuisse conceptam directam,
aliquam substitutionem, per quam di-
recto, & immediatè testatori succeda-
tur, sed potius fideicommissariam; &
obliquam, per quam media persona
matris hæredis institutæ, & grauata
de restituendo, hæreditas filijs defera-
tur. Inquo nulla potest contingere dubi-
tatio, cum verba, sint adeò clara, &
manifesta, vt nulla egeant interpreta-
tione seu declaratione. Obliqua enim
sunt, aditionemq; hæreditatis & m-
nisterium hæredis prærequirunt ad cõ-
plementum mentis & voluntatis testan-
tis, disponendo diuidendo, siue ordi-
nando inter filios, pro libito suæ volun-
tatis. Quæ si obliqua non essent sed cõ-
munia, difficile esset directam substitui-
tionem inducere, quia natura disposi-
tio-

tionis non patitur reluctatibus nimirum verbis, claram & apertam testatoris mentem præferentibus, quæ nulla tergiversatione celari valent. Præmoriens igitur matre & hærede, viuentis adhuc testatore, & scientis, in eademque voluntate per plures annos perseverante, (nam qui potuit mutare testamentum, & non fecit, illud firmare videtur) explorati indubitatique iuris est, non solum hæredis institutione fideicommissaria substitutionem, verum etiam totum testamentum irritari, caducari, & annullari; omniaque ad causam intestati reduci. Ea enim quæ in testamento relinquuntur si ex testamento non adeatur hereditas, non valent. Cum igitur hereditas pater na ad eius filios nunquam fuerit delata, saltem iudicio testatoris: consequens est, minime grauatos fuisse in fauorem dictorum fratrum de sancta Cruce, ex communi & generali iuris regula, qua cautum est, hæredem, cui aliquod grauamen à testatore imponitur, intelligi grauatum, in casu quo fuerit vocatus, & bona iudicio testatoris ad eum peruenirent. Præterea substitutio reciproca inter filios tantum testatoris facta reperitur, eo dumtaxat casu, quo portio aliqua in alterum ex illis, ex dispositione matris, vel ea non disponente, disponere tamen valere, & intestata decedere peruenisset, id enim verba proculdubio sonant, si rectè pro ut decet, ponderentur ac, perpendantur. Quid enim aliud inuit verbum illud, recaydo (quod iterum & secundo cadere significat) nisi quod portio media persona matris, in quam primo illa casura erat peruenisset. Quod ex vulgatissimo illo iuris axioma corroboratur, scilicet quod vna determinatio respiciens plura determinabilia, debet ea pariformiter determinare: & sic determinatio illa, hauri recaydo, æqualiter determinat sequentia,

illa scilicet, tam per dispositionem matris, quam per mortem illius ab intestato, & sine dispositione. Quæ sine dubio aditionem hæreditatis, seu saltem delationem illius, ac potentiam & capacitatem disponendi in matre præferunt; inducuntque conditionale quandam vocatorem, videlicet, si & quatenus portio peruenierit, & pro illa parte quæ peruenierit, mediante nempe matre, nam verba illa, así & como, quæ latine sonant, tam & quam, iuxta receptam Doctorum traditionem, comparisonem significant, & inter res comparatas similitudinem: ut sicut in primo casu dispositionis matris, aditio illius requirebatur, ita, & in secundo moriendo intestata, y sin repartir aditio seu habilitas adeundi requiratur. Quibus maxime consonat dictio illa, intestata, quæ secundum propriam significationem facultatem testandi præsupponit, delationemque hæreditatis ex postulat: quæ in hoc casu, per præmorientiam hæredis instituta defecit. Ut hinc clarè pateat & innotescat, hanc reciprocam substitutionem, ita demum locum habere, si præcessisset adimplementum substitutionis fideicommissariæ. Neque prædictis refragatur ponderatio horum verborum facta pro parte dictorum fratrum, quatenus compendiosam substitutionem ex his verbis, como por morir intestada, y sin repartir, licet enunciatiuis, declaratiuis, & præsuppositiuis manifestè deduci affirmant: & ex vulgari directa incompensiosa, cõprahésa directò ipsos succedere contèdunt: & in litera ipsa, casus cõpèdiósæ substitutionis, directâ vulgaris complectentis legi & videri posse, non verbis explicitis & expræsis, sed præsuppositiuis, ex vi necessarij antecedentis, & præcisij præsuppositi assuerat. Quod in Aragonia, non obstante quod itandū sit cartæ admittitur, & pro expresse habet.

habetur. Quæ interpretatio quam dura sit, & menti ac voluntati testatoris in litera expressæ dissona, & difformis, vel ex eo conuinci non difficulter potest: quia nouam introducere substitutionem per viam ampliationis, & transmutationis seu metamorphoscos, vt Aduocati proclamant, in re non dubia seu perspicua & clara, voluntateq; testatoris verbis grossis declarata (cuius glossa & interpretatio ceteris omnibus est præferenda, cum eius voluntas domina testamentorum existat) ne dum iuris comunis regulis ac decisionibus, verum etiam foralibus nostri Regni vehementer repugnat. Nam sine violatione literæ, vel eius nimia extensione, substitutio hæc ampliatiua seu transformatiua in du ci nequit, neq; sunt multiplicandæ substitutiones & inducendæ, maxime directæ, & hoc per coniecturas seu præsuppositiones, in casibus presertim iam à testatore decisis. Quare vulgò dici solet, de te non loquitur substitutio, quia si in litera non reperitur expressa, supremum testatoris iudicium, postquam iam illud velle non potest, ad casus incogitatos, non est quasi per capillos trahendum. Quod in præsentī casu contingeret, si ex præcedentibus verbis renunciatiuis, & minus principaliter solumq; ad declarationem reciproce prolatis, nouam substitutionem, præcedentis fideicommissariæ ampliatiuam confingeremus. Neq; antecedens necessarium ad introductionem directæ vulgaris substitutionis, in hoc testamento reperiri, nec locum habere potest. Nam cum illud sit, veluti causa, sine qua non solum ad casum præsuppositum referendum esset, scilicet quo mater hæres insti-

tuta intestata & absq; dispositione & distributione decessisset, propter premorientiam duntaxat illius in vita testatoris. Sed cum id ipsum contingere posset, ne dum præmoriēte matre, verū etiam, & superuiuentē testatori, delataq; sibi hæreditate (qui est casus menti & literæ testamenti conformis) ratio siue consideratio antecedentis necessarij cessare omnino debet. Non enim per necesse cōsequitur, quod in pluribus, & diuersis casibus verificari potest. Et quando hoc argumentum antecedētis necessarij in hoc Regno fuit aliquando receptum, cum hac necessitate limitatione, & restrictione fuit intellectum. Quidquid præcedente fideicommissaria substitutione, in fauorem filiorum concepta, reliquæ omnes ab ea continuatiue dependentes, secundum illam regulandæ, & interpretandæ sunt, & recentis eisdem terminis, & conditionibus restringendæ. Quod minime fieret, si compendiosam hanc admitteremus: Tum quia est omnino incompatibilis cum prima, respectu directæ vulgaris in ea comprehensæ. Tum quia compendiosa esse nequit, nisi fideicommissariam includat, quæ cum iam in principio reperiatur expressa, quorsum per viam ampliationis, & præsuppositionis alia noua fidei commissaria ad eundem fidem est inducenda? Multiplicatio enim & repetitio substitutionum, quantum fieri potest est euitanda, nec inducenda est per possibile, verisimile & credibile, nisi per necesse, præcipue ad casum iam à testatore prouissum. Neq; directæ vulgaris, iuxta receptam Doctorum sententiam, nisi ex verbis mere directis, & expressis inducenda est, vel per tale anteceden-

dens necessarium, quod aliud inducere non possit, quàm talem substitutionem directam. Sicut in casu illo trito & vulgari, quando testator prohibet, ne vxor relicta usufructuaria rem alienet: nam tunc per necessesse inducitur legatum proprietatis. Quæ omnia in hac imaginaria substitutione desiderantur. Neque ex clausula finali; vbi vocatio ipsorum fratrum continetur, quicquam consequi poterunt. Nam etsi testator ibidem voluerit, hæreditatem suam diuidi æquis portionibus, inter eosdē & filios Gregorij la Cabra, in casum mortis filiorum, sine filijs ac descendentibus: hæc tamen substitutio, facta fuit per verba continuatiua, & de pendentiā, connexionemq; denotātia, retentisque eisdem terminis & conditionibus substitutionis reciproæ; videlicet in casu quo dicti filij, ex dispositione matris vel eius ministerio, hæreditatem percepissent. Et licet conditio illa mortis filiorum absque descendentibus fuerit verificata, quia nullus illorum liberos habuit: quia tamen non fuit verificatū præsuppositum præcedentis substitutionis, in quibus terminis & casibus vltima facta esse conspicitur: Ideo dicta posterior substitutio, locum habere non potest. Quod autem prædicta præcedens substitutio, nunquam fuerit adimpleta nec verificata, ex præcedentibus satis liquet. Neque obstat quod obiicitur, hærede non diuidente bona testatoris, iuxta illius intentionem, ex capite voluntatis, vel impotentia propter illius præmorientiam, admitti debere ad dicta bona æqualiter iudicio testatoris filios, inter quos bona erant distribuenda. Id namque ita demum procedit, si grauatus hæres, qui diuidere tenebatur,

vere, realiter, & cum effectu fuerit hæres, distribuerēque potuerit, & nō aliter nec alio modo. Eo enim herede cum effectu non existente penitus euanesceat & expirat fideicommissum. Cum igitur domina Anna de Luna ab intestato beneficio fori, & non ex iudicio paterno successerit, adimplere non tenetur quæ in dicto caduco testamento relinquuntur. Nec quicquā dictis fratribus suffragatur clausula codicillaris, cuius virtute testamentum caducum confirmatur de iure ac reuiviscit; quia hoc procedit, constituto de mente testatoris, & ad eius validitatem, non tamen contra illius mentem, quæ in hoc testamento de se pater: ne ad prætensam vocationem minus dilecti, & posteriori loco vocati: magis & facilius inuitati & minus grauati videantur. Nam verisimile non est, plus iuris vltioribus substitutis, minus dilectis vellet testatorem dare, quàm prioribus magis dilectis. Tum quia filiis. Tum quia primo vocatis. Prædictis accedit, quia per clausulam codicillarem, non expressum, sed tacitum subsultat fideicommissum: fingitur enim legitimus successor institutus hæres, vt ab intestato adimpleat relicta in testamento, in vim clausulæ codicillaris ideoque in Aragonia vbi tacitæ dispositiones respuuntur, clausula, hæc parū vel nihil operatur. Præsertim vbi cōfusa iura codicillorū, & testamētōrū reperiuntur: cum directo dari & adimi hæreditas in vtriusq; valeat, & per consequens codicillorum vis in Regno explosa est, & de illis numquam ratio aliqua in occurrentibus casibus habita fuit. Nec mirum cum totum hoc ab eodem fonte promaneat: quia scilicet in Aragonia, omne instrumentum valet nisi contineat ali-

quid

quid impossibile vel contra ius naturale: & inde etiam fit, quod per pactum dari hæreditas possit. Neque unquam fuit visum neq; auditum apud suprema huius Regni Tribunalia, testamentum alias nullum & caducum, per hæc solâ clausulâ, eiusq; vires naturam seu effectum conualidari. Quæ non cordatæ ab ipso testatore, vel præmeditatæ (vt quibusdam, perperam tamen placuit) apposita censetur: sed ex communi notariorum stylo: adeo quod etsi non apponeretur, cum in hoc regno semper in testamentis apponi cõsueverit, per legē suppleretur ac censetur apposita, quia notarius simpliciter rogatus censetur clausulas cõsuetas apponere. Neq; tãdem superioribus refragatur testamentũ in Aragonia abq; hæredis institutione sustineri, testatoremq; posse totâ suam hæreditatem legatis exaurire: Id siquidẽ procedit, vbi nullus hæres reperitur scriptus, apparet enim tunc testatorem voluisse sine herede decedere: vn de nihil mirũ, quod valet tale testamentũ vel instrumentũ in Regno, vbi statum est cartæ, & quodlibet instrumentum valet, vt superius dictum est. Secus vero multo esset in testamento, vbi hæredis institutio contineretur, restituendiq; grauamen eidem imponeretur. Nam tunc eo in vita testatoris decedente, testamentum omnino corrumpere & caducari, neque legata, vel fideicommissa in eo scripta deberi, plus quam manifestum est. Et quando iure militari in hoc Regno testamur (quod generaliter & absolute verum non est) idem adhuc dicendum esset, cum de iure in militis etiam testamento, hæredis institutio requiratur, hereditateq; non adita legata nõ debeantur, nisi libertatis fauor cõcurreret. Maximumq; versatur discriminẽ in

ter hos tres casus, quod nullus hæres scriptus sit, vel quod scriptus non adeat, vel quod præmoriatur ante testatorem; longẽ namque distant inter se, & qui contrarium sentiunt, maximo quidem errore ducuntur. Nam in hoc Regno & aliis, vbi hæredis institutio, ipsiusque aditio ad validitatem testamentorum nequaquam desiderantur, hærede tamen instituto & gravato præmoriẽte ante testatorem, caducari testamentũ Foristę minime dubitarũt. Quãuis enim ad confirmationẽ legatorũ, & fideicommissorum aditio hæreditatis necessaria non sit, vbi sine hærede & sine aditione testamentum valet, tamen quo ad ea quę per hæredem explicanda eiusq; ministerio adimplenda sunt post mortem testatoris, prout est declarare, vel eligere, vel distribuere bona inter aliquos, oportet probare eum esse hæredem, adijssq; hæreditatem vel acceptasse: alias enim numquã posset adimplementum verificari; multoq; minus eo in vita testatoris decedente, in quo nullus scribentium discrepauit. Quare merito sic pronuntiandum censemus ex prædictis & alias attentis contentis ceteræ propositiones repelluntur, quia non probantur nec publicarũt. ALIUS verò ex dictis dominis de Regio Cõsilio fuit voti, & opinionis quod attentis contentis, &c. tenetur & debet pronuntiare, & mandare fieri contenta in propositione Annæ Lapuẽre principi. G. Gonçalez procu. pro quantitate quinquaginta sex mille solidorum laccensium tantũ: & respectu habitationis domorum, primo loco in fine appellitus præsentis apprehensionis confrontatarum, eius viduitate durante, cum expensis iuribus suis durantibus. Et eis finitis, contenta in

in propositione magnifici Doctoris Francisci de sancta Cruce & Morales, & Doctoris Augustini de sancta Cruce & Morales fratrum, princi. Hic. Aueña & Di. Pilares procu. communiter & pro indiuiso & pro aequalibus portionibus, in bonis Hieronymi de Luna, respectu medietatis bonorum apprehensorum tantum prestita prius respectiue cautione forali, alijs propositionibus repulsis, reseruatis iuribus reseruari supplicantibus, neutram partium in expensis, demptis prædictis taxandis, condemnando: non obstantibus in contrariū allegatis, quæ locum non habent, cætera supplicata locū non habere. Ex eo & alias recipitur propositio Magnifici Francisci de Sancta Cruce, & Morales Aduocati Fiscalis suæ Maiestatis, & Doctoris Augustini de Sancta Cruce, & Morales communiter, & pro indiuiso, & pro aequalibus portionibus, in bonis Hieronymi de Luna, in præsentī processu apprehensis, respectu medietatis dictorum bonorum tantum. Quia constat dictum Hieronymum de Luna, in eius ultimo testamento, heredem suam vniuersalem instituisse eius uxorem Beatricem Diez de Aux, cum obligatione, & grauamine disponendi, & ordinandi de omnibus suis bonis, in duos eorum filios, tam in vita quam in morte, prout ipsa velleret, ipsismet filiis substitutis interdicens alienationem dictorum suorum bonorum, nisi in eorum filios & descendentes, deinceps uoluit, quod illa pars siue portio dictorum bonorum, quæ ad ipsum peruenisset, tam ex matris hæredis dispositione, quam per eius obitū, & absq; testamēti (fractione) & bonorū suorū inter dictos eius filios diuisione, seu re partitione, insuperuiuentem, vel eius

filios recaderet, & perueniret. Quod si ambo eorum filij decederent tunc filijs, omnia dicti testatoris bona deuenirent, & in eis pro dimidia succederent Domini de sancta Cruce ex vna, & in alia dimidia Domini de Capra coligantes ex alia. Cum igitur hæc fuerit testatoris voluntas notissima, ex eius testamento in processu exhibito desumpta: & constet alias prædictos testatoris filios tandem sine filiis & descendantibus obuisse, non mirum, si cūeniente prædicta conditione eorum propositiones recipiuntur, communiter & pro indiuiso, tanquam æqualiter in prædictis bonis apprehensis vocati. Nec obstat quod Gregorius la Cabra, tanquam hæres vniverſalis domnæ Annæ de Luna filia testatoris ultimo decedentis, & ab ea institutus contendat, omnia prædicta bona ad se ab integro pertinere: cui irritum & inane fuerit Hieronymi de Luna testamentum, & per hæredem in eo scriptæ præmorientiam effectum caducum, & bona testatoris deuenirent libera, in dictam domnam Annam. Quia etiam si verum sit (pro vt est) Beatricem heredem ante mortem testatoris decessisse, non tamen ideo nullum & irritum fuisse testamentum arbitramur, propter præmorientiam hæredis: cum in Aragonia absq; hæredis institutione testamentum valere dubitari non possit, & testemur iure militari, vt apud foristas est receptum, & vtriusq; partis Aduocati fateantur, per præmorientiam hæredis scripti in testamento, eo huc vsq; peruentum videretur, ac si a principio scriptus hæres non esset, si igitur in hoc casu testamentum valet, fateri oportet etiam valere vbi prædeceſſerit hæres: cum etiam pro parte testatus & pro parte intestatus

tatus quis decedere possit, & sic sustineatur testamentum, & debeantur legata & fideicommissa in eo relicta, & disposita firma maneant tamquam si nullus in eo foret hæres scriptus, vel etiam scriptus hæres predecesserit, sicuti videmus in alijs partibus: ubi consuetudine vel lege cautum reperitur, vltima testamentum eulogia valere sine hæredis institutione observari. Nec vlla certe inter hos casus differentia potest assignari realis. Cuius rei ea est potissima ratio, defuncti voluntas ut impleatur. Iniquum enim videretur, contra eius voluntatē ob id legata & fideicommissa non præstari, quod hæres scriptus non sit, vel hæreditatem non adierit vel prædecesserit: qui si de ijs casibus interrogatus fuisset, idem verisimiliter respondisset, & expressissime voluisse censendum est, & clausulam codicillarem adiecit, per quam præsumitur testatorem præcogitasse, hunc præmorientiæ casum evenire posse, & nihilominus voluisse testamentum suum impleri, & legata, & fideicommissa præstari. Et vltius satis superq; sibi prouisum putavit, ut eius voluntas observaretur, omni eo meliori modo, quo de iure foro vel alias valere posset, absq; omni obstaculo & impedimento seu derogatione, ut in præsentibus exhibito Hieronymi de Luna testamento singulariter cautum videmus. Vbi scilicet præmortuum hæredem testator, & in eadem voluerit voluntate perseverare quæ quæso magis efficiatiora verba potuissent apponi, quæ magis enixam testatoris mentem ostenderent, ut ipsa nullo casu subverteretur: nulla cerè ni fallor, cum hæc non ex stylo Notariorum, ut quidam errantes existimant, sed ab ipsomet testatore, non incidenter sed

multum cordate & appositisimæ vltra solitum stylum addita fuisse omnino credendum sit, ut eius voluntas nulla ratione nullavē occasione quantumvis incogitata quæat infirmari. Quibus suppositis ut ad testamentum tandem Hieronymi de Luna non inane & irritum (ut reor) sed validū in hoc Regno præsertim deveniamus, notissimum est, eius uxorem hæredem scriptam gravatam fuisse, de bonis ipsius testatoris in eius duos filios disponere & ordinare, tam in vita per contractum, quam in morte quando cumq; & quomodo cumq; veller. Quæ verba, haya de disponer y ordenar, licet videantur omnino obliqua cum hæredis ministerium requirant, non tamen a vero alienum videretur dici posse, intestati causam comprehendere, maxime mortis facta mentione, ut in præsentis casu: cum disposuisse dicatur, qui intestatus decessit. Cum igitur in utrumq; casum testari & intestati hæres gravata censetur, veluti si expresse dixisset, Y si acæcerea morir intestada y sin repartir, non incongruum est dicere, hæredem fuisse gravatam in filiorum favorem, non solum per fideicommissariam, sed & per compendiosam substitutionem, casum vulgaris impotentiam comprehendentem: potissimum ex eo quod in sequenti clausula reciproce substitutionis inter filios, leguntur talia verba, Que haura peruenido y recaydo, quæ cōmania sunt, & per præsuppositum necessarium, debent ab vna clausula in aliam transferri, ut operentur secundum testatoris clarissimam mentem, ut si hæreditas non fuerit addita, vel per impotentiam, vel præmorientiam ipsius hæredis scriptæ, vel alias, bona testatoris devoluantur & peruenire debeant in omni ca

fu, in filios, aut superniuentem ex eis. Nam si in casu quo mater decesserit intestata filij expressse inter se passiue grauantur, ergo in necessarium antecedens præsupponitur, quod filij actiue vocantur in eodem quoque casu, quo mater decesserit intestata. Et licet in priori clausula, vbi filij vocantur ad bona patris, non fuerit formaliter dictum si mater decesserit intestata, bona perueniant seu recadant in filios, & hoc fuerit solum enuntiativæ & præsuppositivæ expressum in illis verbis, La parte y porcion de mis bienes, que en el tal haura peruenido y recaydo, assi por disposicion de su madre como por morir intestada y sin repartir les, illa tamen verba, quantumvis enuntiativa, & præsuppositiva omnino probant & disponunt, quanto magis. De clarant: cum ad minus dubia sint, an in fauorem filiorum inducant fidei commissariam solam, in casu quo mater disposuerit, vel etiam compendiosam, vbi intestata decesserit, & absq; repartitione, declarant si quidem & manifestissime demonstrant, bona paterna deuenire debere ad filios, ne dum in casu quo mater disposuerit, sed etiam in quo decesserit intestata, & dispositione vel repartitione non facta, & sic in casu compendiosæ. Cum igitur frater præmoriens grauetur restituere fratri superuiuenti, si sine filiis decesserit, bona quæ ad eum in dictis casibus peruenissent, ergo in vim antecedentis necessarij & verbis clari a testatore expressis, probatur quod ad eos debeant bona peruenire in vim compendiosæ. Quod argumentum ex vi antecedentis necessarij, ne dum efficax sed expressum in nostro casu dicitur, vbi per consequens sub dicta compendiosa non solum fideicommissaria, quæ locum habuisset si super

vixisset mater, & adita, vel non adita hæreditate intestata decessisset, quin etiam vulgaris substitutio in clauditur, quæ potest verificari, matre decedente vel viuo vel mortuo testatore, & ante aditam hæreditatem vel post. Quæ vulgaris, sub dicta compendiosa, si mater nulla facta repartitione intestata decesserit, quomodo non fuerit verbis specialibus decedendi ante aditam hæreditatem facta, fuit tamen expressa verbis generalibus ex iuris dispositione resultantibus; & utrumq; casum impotentie, & noluntatis comprehendit, & sub impotentie casu, præmorientie casum, quando institutus hæres viuo testatore decedit includit. Per quæ verba, satis etiam videtur, testatorem per viam compendiosæ, ibi, Quæ recayga y peruenga, filios suos vocasse, ita vt hærede delatam sibi hæreditatem non adente, vel ea mortua in vita testatoris, succedere non valente, filij succedere debeant omnino, aut superuiues ex eis. Si enim instituta hæres mater testatori superuiuens eius filijs restituere tenebatur, siue adijisset hæreditatem aut non adeundo, siue nolendo eam acceptare, sic itidem dicendum videtur filios substitutos aut super uiuentem ex eis admitteri, hærede in vita testatoris decedente, per vulgarem in compendiosa comunibus utpote, Quæ haurant peruenido, y recaydo, concepta comprehendam. Cum, vt dictum est, huiusmodi verba, pro repetitis & scriptis in prima substitutionis filiorum clausula debeat haberi, ex testantis facis apertamente, quam ne subuertatur ex nimia subtilitate curandum est, cum in nostro casu ea potissimum fuerit, vt mater filiis restitueret, & ipsis sine filiis (vt euenit) decedentibus bona

ad substitutos in clausula, empero, vocatos peruenerint. Quæ clausula non multum refert (nifallor), fuerit ne continuatiua, vel independens & de per se stans, quod securius est, cū utroque casu testantis apertam mentem & voluntatem attendi debere censuimus: ita ut dici iam tandem possit, quod aut valet testamentum Hieronymi de Luna, ex quo sine hæredis institutione valere potest ex clausula codicillari: & isto casu, attendita prima clausula testamenti, in qua mater rogatur, ut hæreditatem restituat, vel diuidat inter filios, si superuiuat & disponat, tunc filij habebunt fideicommissum à testatore, mediante ministerio matris; si vero nō disponat, & uterque filius sic peruiueret, matre non eligente, neque valente eligere, per præmorientiam uterque succederet. Et sic vnus tantū ex eis superuiuat, ille solus iure fideicommissi in tota hæreditate succedit. Et sic in casu nostro qui euenit, quando scilicet domna Anna de Luna patri & matri superuixit, etiam perpensis verbis istius clausulæ solum illa sola successit iure fideicommissi in tota hæreditate, in vim simplicis & puri fideicommissi, quod in Regno valet non adita hæreditate. Igitur in tota hæreditate fuit grauata restituere Francisco de Sancta Cruce &

aliis: ipsa decedente sine filiis, & hoc videtur ex supra dictis solidissimum. Aut non valet prædictum testamentum Hieronymi de Luna, ut ex parte Gregorij contenditur, ex præmorientia hæredis institutæ: & tūc virtute clausulæ codicillaris, cum legata & fideicommissa debeantur ab intestato & conferuntur, tenebitur profecto domna Anna totam hæreditatem restituere Francisco & aliis in clausula prædicta vocatis. Et sic in utroque casu testati & intestati, bona Hieronymi de Luna, peruenire debent in substitutos, & in dicta clausula vocatos, ex compendiosa, in clausula reciproce substitutionis, & in clausula, empero, contenta. Quibus non resistunt verba illa: La parte y porcion que haura peruenido, cum non referantur ad fideicommissum, per quod in tota hæreditate vocatur domna Anna, in casu quo sola superuiuat: nec ad posterius, in quo ipsa grauatur; sed respiciunt fideicommissum illud, in casu quo Ioannes Hieronymus de Luna eius frater superuixisset: qui casus cum non euenierit, nullius considerationis esse debet illa cōditio, in illo particulari casu adiecta, ut compendiosam inficiat postea subsequutā, in fauorem ultimo substitutorū & eorum claram vocationem, ex apertissima testatoris mēte desumptā.

SIG † *NVM* mei Michaelis Perez de Oliuan Scribe, mandati suæ Maiestatis ac Regentis Protonotarium præsentis Regni in Ciuitate Casaraugustæ domiciliati, eiusque auctoritate per totam terram & ditionem suam publici notarij, qui huiusmodi motina à suo originali libro Regij Consilij eiusdē ciuilibus Regni recondito, bene & fideliter cōprobata manu aliena, extraxi: in quarum fidem hic me subscripsi.